







史記抄卷之二十七

蕭相國世家

論功賞也此君臣之妙特詳

楊慎曰以傳書
法嚴整

鍾云連用獨字第
字及數字是何
未有德行方祖
如此

蕭相國何者沛豐人也。以文無害為沛主吏掾。高祖為
布衣時何數以吏事護高祖。高祖為亭長常左右之高
祖。以吏繇咸陽吏皆送奉錢三。何獨以五。秦御史監郡
者與從事常辨之。何乃給泗水卒史事。第一秦御史欲
入言徵何。何固請得毋行。及高祖起為沛公。何常為丞
督事。沛公至咸陽。諸將皆爭走金帛財物之府分之。何
獨先入收秦丞相御史律令圖書藏之。沛公為漢王。以
何為丞相。項王與諸侯屠燒咸陽而去。漢王所以具知

天下阨塞戶口多少疆弱之處民所疾苦者以何具得

秦圖書也何進言韓信漢王以信為大將軍語在淮陰

侯事中漢王引兵東定三秦何以丞相留收巴蜀填撫

諭告使給軍食漢二年漢王與諸侯擊楚何守關中侍

太子治櫟陽為法令約束立宗廟社稷宮室縣邑輒奏

上可許以從事即不及奏上輒以便宜施行上來以聞

漢書載蕭何勸漢王王漢中一段甚善蕭何相業只此數句已盡之關中事計戶口轉

漕給軍漢王數失軍遁去何常與關中卒取補缺上以

此專屬任何關中事漢三年漢王與項羽相距京索之

間上數使使勞苦丞相鮑生謂丞相曰王暴衣露蓋數

辛改以戲宛
然押侮英雄氣
象
功狗句抄倒字
便索也文

使使勞苦君者有疑君心也為君計莫若遣君子孫昆
弟能勝兵者悉詣軍所上必益信君於是其計漢
王大說漢五年既殺項羽定天下論功行封群臣爭功
歲餘功不決高祖以蕭何功最盛封為鄼侯所食邑多
功臣皆曰臣等身被堅執銳多者百餘戰少者數十合
攻城畧地大小各有差今蕭何未嘗有汗馬之勞徒持文
墨議論不戰顧友居臣等上何也高帝曰諸君知獵乎曰
知之知獵狗乎曰知之高帝曰夫獵追殺獸兔者狗也而
發蹤指示獸處者人也今諸君徒能得走獸耳功狗也至
如蕭何發蹤指示功人也且諸君獨以身隨我多者兩三

鍾云將言高帝
善節居一以而
以爲何第一而
摩於前於古

人○今蕭何舉宗數十人○皆隨我○功不可忘也○群臣皆莫
敢言○列侯畢已受封○及奏位次○皆曰○平陽侯曹參○身被
七十創○攻城畧地○功最多○宜第一○上已撓功臣○多封蕭
何○至位次○未有以復難之○然心欲何第一○關內侯鄂君
進曰○群臣議皆誤○夫曹參雖有野戰略地之功○此特一
時之事○夫上與楚相距五歲○常失軍亡衆○逃身遁者數
矣○然蕭何常從關中遣軍補其處○非上所詔令○召而數
萬衆會○上之乏絕者數矣○夫漢與楚相守滎陽數年○軍
無見糧○蕭何轉漕關中○給食不乏○陛下雖數亡山東○蕭
何常全關中○以待陛下○此萬世之功也○今雖亡曹參等

此我言本公意已
中語却是帝心中
事

百數何缺於漢。漢得之不必待以全。柰何欲以一旦之
功而加萬世之功哉。蕭何第一。曹參次之。高祖曰善於
是乃令蕭何賜帶劍履上殿入朝不趨。上曰吾聞進賢
受上賞。蕭何功雖高得鄂君乃益明。於是因鄂君故所
食關內侯邑封為安平侯。是日悉封何父子兄弟十餘
人皆有食邑。乃益封何二千戶。以帝嘗繇咸陽時何送
我獨贏奉錢二也。庭前漢十一年陳豨反高祖自將至邯鄲
未罷淮陰侯謀反關中呂后用蕭何計誅淮陰侯語在
淮陰事中。上已聞淮陰侯誅使使拜丞相何為相國益
封五千戶令卒五百人一都尉為相國衛。諸君皆賀召

鍾云召平獨吊
平此凡士也故插
入此西為平一侍

平獨弔召平者故秦東陵侯秦破為布衣貧種瓜於長
安城東瓜美故世俗謂之東陵瓜從召平以為名也召
平謂相國曰禍自此始矣上暴露於外而君守於中非
被矢石之事而益君封置衛者以今者淮陰侯新反於
中疑君心矣夫置衛衛君非以寵君也願君讓封勿受
悉以家私財佐軍則上心說相國從其計高帝乃大喜
漢十二年秋黥布反上自將擊之數使使問相國何為
相國為上在軍乃拊循勉力百姓悉以所有佐軍如陳
稀時客有說相國曰君滅族不久矣夫君位為相國功
第一可復加哉然君初入關中得百姓心十餘年矣皆

鍾云太史公下太喜
大悅大怒字而多
帝之忌心自見

附君常復孽孽得民和上所爲數問君者畏君傾動關
中今君胡不多買田地賤貰貸以自汙上心乃安於是
相國從其計上乃大詭上罷布軍歸民道遮行上書言
相國賤疆買民田宅數千萬上至相國謁上笑曰夫相
國乃利民民所上書皆以與相國曰君自謝民相國因
爲民請曰長安地狹上林多空地棄願令民得入田毋
收橐爲禽獸食上大怒曰相國多受賈入財物乃爲請
吾苑乃下相國廷尉械繫之數日王衛尉侍前問曰相
國何大罪陛下繫之暴也上曰吾聞李斯相秦皇帝有
善居主有惡自與今相國多受賈豎金而爲民請吾苑

以自媚於民。故繫治之。王衛尉曰。夫職事苟有便於民而請之。真宰相事。陛下柰何乃疑相國受賈人錢乎。且陛下距楚數歲。陳稀黥布反。陛下自將而往。當是時。相國守關中。搖足則關以西非陛下有也。相國不以此時爲利。今乃利賈人之金乎。且秦以不聞其過亡天下。李斯之分過。又何足法哉。陛下何疑宰相之淺也。高帝不憚。是日使使持節赦出相國。相國年老。素恭謹。入徒跣謝。高帝曰。相國休矣。相國爲民請苑。吾不許。我不過爲桀紂主。而相國爲賢相。吾故繫相國。欲令百姓聞吾過也。何素不與曹參相能。及何病。孝惠自臨視相國。病因

不載高帝崩

鍾云叙何事畢後
叙何置田宅數語
所以明何卒意也

問曰君即百歲後誰可代君者對曰知臣莫如主孝惠
曰曹參何如何頓首曰帝得之矣臣死不恨矣何置田
宅必居窮處為家不治垣屋曰後世賢師吾儉不賢毋
為勢家所奪孝惠二年相國何卒謚為文終侯後嗣以
罪失侯者四世絕天子輒復求何後封續鄼侯功臣莫
得比焉

太史公曰蕭相國何於秦時為刀筆吏錄錄未有奇節
及漢興依日月之末光何謹守管籥因民之疾奉法順
流與之更始淮陰黥布等皆以誅滅而何之勲爛焉位
冠群臣聲施後世與閔天散宜生等爭烈矣

通國書院

史記抄卷之二十八

曹參世家

曹參功名與蕭何為終始故首尾世家稱蕭何

叙韓彭彭奇
秦以首漢以次俱
無此種
本自更漢但受
以變後為妙論
錫除句法謬
金石記錄也
後子別字是提
個

平陽侯曹參者沛人也。秦時為沛獄掾，而蕭何為主吏，居縣為豪吏矣。高祖為沛公而初起也，參以中涓從將，擊胡陵，方與攻秦監公軍，大破之。東下薛，擊泗水守軍薛郭西，復攻胡陵，取之。徙守方與，方與反，為魏擊之。豐反，為魏攻之，賜爵七大夫。擊秦司馬尼軍，碭東破之，取碭。狐父地名祁善置，又攻下邑，以西至虞，擊章邯車騎，攻爰戚及亢父，先登，遷為五大夫。北救東阿，擊章邯軍，陷陳，追至濮陽，攻定陶，取臨濟，南救雍丘，擊李由軍，破之，殺

尸北尸鄉之北也

李由虜秦候一人秦將章邯破殺項梁也沛公與項羽
引而東楚懷王以沛公為碭郡長將碭郡兵於是乃封
參為執帛號曰建成君遷為戚公屬碭郡其後從攻東
郡尉軍破之成武南擊王離軍成陽南復攻之杠里大
破之追北西至開封擊趙賁軍破之圍趙賁開封城中
西擊秦將楊熊軍於曲遇破之虜秦司馬及御史各一
人遷為執珪從攻陽武下轅轅侯氏絕河津還擊趙賁
軍尸北破之從南攻犂與南陽守齟戰陽城郭東陷陳
取宛虜齟盡定南陽郡從西攻武關峽關取之前攻秦
軍藍田南又夜擊其北秦軍大破遂至咸陽滅秦項羽

至以沛公為漢王。漢王封參為建成侯。從至漢中。遷為將軍。從還定三秦。初攻下辯。武都二縣也。故道雍。殽擊殽也。章平軍於好時。南破之。圍好時。取壤鄉。擊三秦軍。壤東及高櫟。破之。復圍章平。章平出好時走。因擊趙賁。內史保軍破之。東取咸陽。更命曰新城。參將兵守景陵。二十日。秦使章平等攻參。參出擊。大破之。賜食邑於寧秦。參以將軍引兵圍章邯於廢丘。以中尉從從漢王出臨晉關。至河內。下脩武。渡圍津。東擊龍且。項他定陶。破之。東取碭。蕭。彭城。擊項籍軍。漢軍大敗走。參以中尉圍取雍丘。漢海反三。王武反於黃。程處反於燕。往擊。盡破之。柱天侯反於衍氏。又進破取。

董白傳此後極
有力見止歲中
而郭乃多如成
勇化也

衍氏擊羽嬰於昆陽追至葉還攻武疆因至滎陽參自
小結漢中為將軍中尉從擊諸侯及項羽敗還至滎陽凡二
歲高祖三年拜為假左丞相入屯兵關中月餘魏王豹
反以假左丞相別與韓信東攻魏將軍孫遨軍東張大
破之因攻安邑得魏將王襄擊魏王於曲陽追至武垣
生得魏王豹取平陽得魏王毋妻子盡定魏地凡五十
二城賜食邑平陽因從韓信擊趙相國夏說軍於鄆東
大破之斬夏說韓信與故常山王張耳引兵下井陘擊
成安君而令參還圍趙別將戚將軍於鄆城中戚將軍
出走追斬之乃引兵詣敖倉漢王之所韓信已破趙為

相國東擊齊。參以右丞相屬韓信，攻破齊歷下軍，遂取臨菑。還定濟北郡，攻著、漂、陰、平原、鬲、盧，已而從韓信擊龍且軍於上假密，大破之，斬龍且，虜其將軍周蘭，定齊。凡得七十餘縣，得故齊王田廣相田光其守相許章及故齊膠東將軍田以一句既韓信爲齊王，引兵詣陳，與漢王共破項羽。而參留平齊，未服者，項籍已死，天下定。漢王爲皇帝，韓信徙爲楚王。齊爲郡，參歸漢相印。高帝以長子肥爲齊王，而以參爲齊相國。以高祖六年，賜爵列侯，與諸侯剖符，世世勿絕。食邑平陽萬六百三十戶，號曰平陽侯。除前所食邑，以齊相國擊陳豨，將張春軍破之黥。

史記卷之二十八

三

正四百七

布反參以齊相國從悼惠王將兵車騎十二萬人與高

祖會擊擊黥布軍大破之南至蘄五還定竹邑相名蕭留參功

凡下二國縣一百二十二得王二人相三人將軍六人

大莫敖郡守司馬候御史各一人以上詳次戰功以下詳相齊及代蕭何為

相國孝惠帝元年除諸侯相國法更以參為齊丞相參

之相齊齊七十城天下初定悼惠王富於春秋參盡召

長老諸生問所以安集百姓如齊故俗諸儒以百數言

人人殊參未知所定聞膠西有蓋公善治黃老言使人

厚幣請之既見蓋公蓋公為言治道貴清靜而民自定

推此類具言之參於是避正堂舍蓋公焉其治要用黃

老術故相齊九年齊國安集大稱賢相惠帝二年蕭何卒參聞之告舍人趣治行吾將入相居無何使者果召參參去屬其後相曰以齊獄市為寄慎勿擾也何之公兩絕世者也後相曰治無大於此者乎參曰不然夫獄市者所以并容也今君擾之姦人安所容也吾是以先之參始微時與蕭何善及為將相有卻蕭曹之微時雅善而及為將相有卻豈論功行封之數至何且死所推賢唯參代何為漢相國舉事無所變更一遵蕭何約束詳擇郡國吏木訥於文辭重厚長者即召除為丞相史吏之言文刻深欲務聲名者輒斥去之蕭何之臨沒而獨薦參參之所以預知蕭何而必以薦者以兩人同得黃老之旨故也日夜

高云孝惠留心
國事久不敢
重傷大臣可以稱
賢主

飲醇酒。卿大夫已下吏及賓客見參不事事。來者皆欲
此言是言相業字而為定詞言之太詳也蓋張敖於書而馬氏至於文飲顛倒林鴻皆入玄妙矣
有言至者。參輒飲以醇酒。間之欲有所言。復飲之。醉而
後去。終莫得開說。以為常。相舍後園近吏舍。吏舍日飲
歌呼。從吏惡之。無如之何。乃請參游園中。聞吏醉歌呼。
從吏幸相國召按之。乃反取酒張坐飲。亦歌呼相與應。
和。參見人之有細過。專掩匿覆蓋之。府中無事。參子窋
為中大夫。惠帝怪相國不治事。以為豈少朕與。乃謂窋
曰。若歸試私從容問而父曰。高帝新棄羣臣。帝富於春
秋。君為相。日飲無所請事。何以憂天下乎。然無言吾告
若也。窋既洗沐歸。間侍。自從其所諫。參怒而笞窋二

言胡與寇事而
治之也

百曰趣入待天下事非若所當言也至朝時惠帝讓參
曰與寇胡治乎乃者我使諫君也參免冠謝曰陛下自
察聖武孰與高帝上曰朕乃安敢望先帝乎曰陛下自
臣能孰與蕭何賢上曰君似不及也參曰陛下言之是
也通篇叙曹參野戰之功即今御史紀功冊事貴詳嚴
而言參所以代蕭何為相國處並言清淨之化如指
掌且高帝與蕭何定天下法令既明今陛下垂拱參等
守職遵而勿失不亦可乎惠帝曰善君休矣結案參為漢相
國出入三年卒謚懿侯子窋代侯百姓歌之曰蕭何為
法音戰蕭若畫一曹參代之守而勿失載其清淨民以寧一
平陽侯窋高后時為御史大夫孝文帝立免為侯立二

董份曰太史結贊
語極有意味蓋
黃老祖非正道
然休自疾癘極
得政作太史公
寺進黃老其

十九年卒謚為靜侯子奇代侯立七年卒謚為簡侯子
時代侯時尚平陽公主生子襄時病癘歸國立二十三
年卒謚夷侯子襄代侯襄尚衛長公主生子宗立十六
年卒謚為共侯子宗代侯征和二年中宗坐太子死國
除此篇專看參之所以守蕭何法外故於飲酒自願放足皆有本指而贊為其相業清靜寧二字一篇之命題也
太史公曰曹相國參攻城野戰之功所以能多若此者
以與淮陰侯俱及信已滅而列侯成功唯獨參擅其名
參為漢相國清淨極言合道然百姓離秦之酷後參與
休息無為故天下俱稱其美矣

曹參世家終

同四雅

史記抄卷之二十九

留侯世家

眼目

留侯張良者其先韓人也。大父開地，相韓昭侯、宣惠王、襄哀王。父平，相釐王、悼惠王。悼惠王二十三年，平卒。卒二十歲，秦滅韓。良年少，未宦事韓。韓破，良家僮三百人，弟死不葬，悉以家財求客刺秦王，為韓報仇。以大父父五世相韓故，盧大經曰：張子房欲為韓報仇，乃捐金募其副車。始皇大怒，索三日，不獲，未逾年，始皇竟死。自此陳勝吳廣田儋項梁之徒，始相尋而起，是號祖龍之魄，倡群雄之心，皆子房一擊之力也。其關係豈小哉。良嘗學禮淮陽，東見倉海君，得力士，為鐵椎重百二十斤。秦皇帝東游，良與客狙擊。

點白物

秦始皇帝博浪沙中誤中副車。秦皇帝大怒，大索天下，求賊甚急，爲張良故也。良乃更名姓，亡匿下邳。良嘗聞從容步游下邳圯上，有一老父，衣褐至良所，直墮其履圯下。顧謂良曰：「孺子下取履。」良愕然，欲歐之，爲其老，彊忍，下取履。父曰：「履我。」良業爲取履，因長跪履之。父以足受笑而去。良殊大驚，隨目之。父去里所，復還，曰：「孺子可教矣。」後五日，平明，與我會此。良因怪之，跪曰：「諾。」五日，平明，良往。父已先在，怒曰：「與老人期，後何也？」去。曰：「後五日早會。」五日，雞鳴，良往。父又先在，復怒曰：「後何也？」去。曰：「後五日復早來。」五日，良夜未半往。有頃，父亦來，喜曰：「當如是。」

出一編書曰讀此則爲王者師矣後十年興十三年孺
子見我濟北穀城山下黃石卽我矣遂去無他言不復
見旦日視其書乃太公兵法也良因異之常習誦讀之
居下邳爲任俠項伯嘗殺人從良匿後十年陳涉等起
兵良亦聚少年百餘人景駒自立爲楚假王在留良欲
往從之道遇沛公沛公將數千人略地下邳西遂屬焉
沛公拜良爲廐將良數以太公兵法說沛公沛公善之
常用其策良爲他人言皆不省良曰沛公殆天授故遂
從之不去見景駒及沛公之薛見項梁項梁立楚懷王
良乃說項梁曰君已立楚後而韓諸公子橫陽君成賢

爲后項伯解鴻門之危案

可立為王。益樹黨。項梁使良求韓成。立以為韓王。以良

為韓申徒。與韓王將千餘人。西略韓地。得數城。秦輒復

取之。往來為游兵。潁川。沛公之從雒陽南出轅轅。良引

兵從沛公。下韓十餘城。擊破楊熊軍。沛公乃令韓王成

留守陽翟。與良俱南攻下宛。西入武關。沛公欲以兵二

萬人擊秦峽下軍。良說曰。秦兵尚彊。未可輕。臣聞其將

屠者子。賈豎。易動以利。願沛公且留壁。留壁者。嚴我陣

食者。以脩不時奮擊之餉也。張旗幟諸山。亂其耳目。而

分其兵。也以重寶啗秦將者。餌之使懈也。懈則擊而勝

也。使人先行。為五萬人具食。益為張旗幟諸山上。為疑

兵。令酈食其持重寶啗秦將。秦將果畔。欲連和。俱西襲

咸陽沛公欲聽之。良曰：「此獨其將欲叛耳，恐士卒不從，不從必危，不如因其解擊之。」沛公乃引兵擊秦軍，大破之，遂北至藍田，再戰秦兵，竟敗。遂至咸陽，秦王子嬰降沛公。沛公入秦宮，宮室帷帳狗馬重寶婦女以千數，意欲留居之。樊噲諫沛公出舍，沛公不聽。良曰：「夫秦為無道，故沛公得至此。夫為天下除殘賊，宜編素為資。今始入秦，即安其樂，此所謂助桀為虐。且忠言逆耳利於行，毒藥苦口利於病。」願沛公聽樊噲言。沛公乃還軍霸上。應項伯常歷
項羽至鴻門下，欲擊沛公。項伯乃夜馳入沛公軍，私見張良，欲與俱去。良曰：「臣為韓王送沛公，今事有急，亡去。」

不義乃具以語沛公沛公大驚曰為將奈何良曰沛公

誠欲倍項羽邪沛公曰與羽本紀同紀鯁生教我距關無內諸侯秦地

可盡王故聽之良曰沛公自度能却項羽乎沛公默然

良久曰固不能也今為奈何良乃固要項伯項伯見沛

公沛公與飲為壽結賓婚令項伯具言沛公不敢倍項

羽所以距關者備他盜也及見項羽後解語在項羽事

中漢元年正月沛公為漢王王巴蜀漢王賜良金百鎰

珠二斗良具以獻項伯漢王亦因令良厚遺項伯使請

漢中地項王乃許之遂得漢中地漢王之國良送至褒

中遣良歸韓良因說漢王曰王何不燒絕所過棧道示

天下無還心以固項王意

是時諸侯王初各分地而王良獨策天下之勢方如沸鼎

而楚之所首忌者漢王也故一則燒棧道以堅其不為西顧之心一則故遺田榮反書以促其北嚮之戰乃

使良還行燒絕棧道良至韓韓王成以良從漢王故項

王不遣成之國從與俱東良說項王曰漢王燒絕棧道

無還心矣乃以齊王田榮反書告項王項王以此無西

憂漢心而發兵北擊齊項王竟不肯遣韓王乃以為侯

又殺之彭城良亡間行歸漢王漢王亦已還定三秦矣

子房自此以前種種為韓以後死心於漢矣復以良為成信侯從東擊楚至

彭城漢敗而還至下邑漢王下馬踞鞍而問曰吾欲捐

關以東等棄之誰可與共功者良進曰九江王黥布楚

鍾云漢王所以王
楚之所以亡在此
一着

史記卷之二十一
項羽本紀

梟將與項王有卻彭越與齊王田榮反梁地此兩人可
急使而漢王之將獨韓信可屬大事當一面即欲捐之
捐之此三人則楚可破也楚漢之分只在此數言子房
誠帝者師而三代以下罕有
此等人物須千古
隻眼纔能識之漢王乃遷隨何說九江王布而使人

連彭越及魏王豹反使韓信將兵擊之因舉燕代齊趙

然卒破楚者此三人力也太史公見得分明故說得如
此斬絕非後世史官所及

張良多病未嘗特將也常為畫策臣時時從漢王張良
一生

得力在此太史公
一篇摹構在此漢三年項羽急圍漢王滎陽漢王恐

憂與酈食其謀撓楚權食其曰昔湯伐桀封其後于杞

武王伐紂封其後于宋今秦失德棄義侵伐諸侯社稷

滅六國之後使無立錐之地陛下誠能復六國後世畢
已受印此其君臣百姓必皆戴陛下之德莫不鄉風慕
義願爲臣妾德義已行陛下南鄉稱霸楚必斂衽而朝
漢王曰善趣刻印先生因行佩之矣食其未行張良從
外來謁漢王方食曰子房前客有爲我計撓楚權者具
以酈生語告於子房曰何如良曰誰爲陛下畫此計者
陛下事去矣漢王曰何哉張良對曰臣請籍前箸爲大
王籌之曰昔者湯伐桀而封其後於杞者度能制桀之
死命也今陛下能制項籍之死命乎曰未能也其不可
一也武王伐紂封其後於宋者度能得紂之頭也今陛

下能得項籍之頭乎。曰未能也。其不可二也。武王入殷
表商容之間。釋箕子之拘。封比干之墓。今陛下能封聖
人之墓。表賢者之間。式智者之門乎。曰未能也。其不可
三也。發距橋之粟。散鹿臺之錢。以賜貧窮。今陛下能散
府庫以賜貧窮乎。曰未能也。其不可四矣。殷事已畢。偃
革爲軒。倒置干戈。覆以虎皮。以示天下不復用兵。今陛
下能偃武行文。不復用兵乎。曰未能也。其不可五矣。休
馬華山之陽。示以無所爲。今陛下能休馬無所用乎。曰
未能也。其不可六矣。放牛桃林之陰。以示不復輸積。今
陛下能放牛不復輸積乎。曰未能也。其不可七矣。且天

唯無強盜其第
不降耳。按此解
亦似強盜云楚唯
莫如也陽書說
又上國云云

蘇東坡云刻印
銷印何雲累高
祖丁初人適足明
至今丁無我

下游士離其親戚棄墳墓去故舊從陛下游者徒欲日
夜望咫尺之地今復六國立韓魏燕趙齊楚之後天下
游士各歸事其主從其親戚反其故舊墳墓陛下與誰
取天下乎其不可入矣且夫楚唯無疆六國立者復撓
而從之陛下焉得而臣之誠用客之謀陛下事去矣愚據
見立六國後一節陳涉始亂時分兵樹秦敵可也至是
特則諸侯王已各裂土而守而漢且定三秦東下矣所
兩爭者獨楚耳撓楚摧而假六國後是以盡虎
豹而欲取人也可乎哉子房入難亦非透頭論漢王輟
食吐哺罵曰豎儒幾敗而公事令趣銷印漢四年韓信
破齊而欲自立為齊王漢王怒張良說漢王漢王使良
授齊王信印語在淮陰事中其秋漢王追楚至陽夏南

戰不利而壁固陵諸侯期不至良說漢王漢王用其計

諸侯皆至語在項籍事中

一在淮陰事一在項羽事此兩著漢之所以王天下而楚

之所以亡其國盡之矣

漢六年正月封功臣良未嘗有戰鬪功高

帝曰運籌策帷帳中決勝千里外子房功也自擇齊三

萬戶良曰始臣起下邳與上會留此天以臣授陛下陛下

下用臣計幸而時中臣願封留足矣不敢當三萬戶乃

封張良為留侯與蕭何等俱封六年上已封大功臣二

十餘人其餘日夜爭功不決未得行封上在雒陽南宮

從復道望見諸將往往相與坐沙中語上曰此何語留

侯曰陛下不知乎此謀反耳上曰天下屬安定何故反

○留侯曰陛下起布衣○以此屬取天下○今陛下爲天子○而所封皆蕭曹故人所親愛○而所誅者皆生平所仇怨○今軍吏計功○以天下不足徧封○此屬畏陛下不能盡封○恐又見疑平生過失及誅○故即相聚謀反耳○上乃憂曰○爲之奈何○留侯曰上平生所憎○群臣所共知○誰最甚者○上曰雍齒與我故○數嘗窘辱我○我欲殺之○爲其功多○故不忍○留侯曰今急先封雍齒○以示群臣○群臣見雍齒封○則人人自堅矣○愚竊論沙中偶語未必謀反也○謀反廼諸侯王時○雖多出高帝獨見○未必非蕭曹從中上下而間有失諸將心者○子房於此不言之○恐有後患言之又恐與蕭曹生隙○故特假此恐喝高帝及急封○於是上乃雍齒則群疑定矣○此等皆子房呼吸風雲處○

置酒封雍齒爲什方侯而急趣丞相御史定功行封群
臣罷酒皆喜曰雍齒尚爲侯我屬無患矣劉敬說高帝
曰都關中上疑之左右大臣皆山東人多勸上都雒陽
雒陽東有成臯西有殽黽倍河向伊雒其固亦足特留
侯曰雒陽雖有此固其中小不過數百里田地薄四面
受敵此非用武之國也夫關中左殽函右隴蜀沃野千
里南有巴蜀之饒北有胡苑之利胡苑利人時得否阻三面而守獨以一
面東制諸侯諸侯安定河渭漕輓天下西給京師諸侯
有變順流而下足以委輸此所謂金城千里天府之國
也劉敬說是也於是高帝即日駕西都關中留侯從入

開留侯性多病即道引不食穀

道引者子房於功杜門成之後為蛻骨法

不出歲餘上欲廢太子立戚夫人子趙王如意大臣多

諫爭叙四皓始末如畫未能得堅決者也呂后恐不知所為人或謂呂后

曰留侯善用計策上信用之呂后乃使建成侯呂澤劫

留侯曰君常為上謀臣今上欲易太子君安得高枕而

卧乎留侯曰始上數在困急之中幸用臣策今天下安

定以愛欲易太子骨肉之間雖臣等百餘人何益呂澤

彊要曰為我畫計留侯曰此難以口舌爭也顧上有不

能致者天下有四人四人者年老矣皆以為上慢侮人

故逃匿山中義不為漢臣然上高此四人今公誠能無

愛金玉璧帛。令太子為書。卑辭安車。因使辯士固請。宜
來。來以為客。時時從入朝。令上見之。則必異而問之。問
之上。知此四人賢。則一助也。於是呂后令呂澤使人奉
太子書。卑辭厚禮。迎此四人。四人至。客建成侯。所漢十
一年。黥布反。上病。欲使太子將往擊之。四人相謂曰。凡
來者將以存太子。太子將兵。事危矣。乃說建成侯曰。太
子將兵有功。則位不益。太子無功還。則從此受禍矣。且
太子所與俱諸將。皆嘗與上定天下。梟將也。今使太子
將之。此無異使羊將狼也。皆不肯為盡力。其無功必矣。
語出韓子
臣聞母愛者子抱。今戚夫人日夜侍御。趙王如意常抱

君前上曰終不使不肖子居愛子之上明乎其代太子
位必矣君何不急請呂后承間爲上泣言黥布天下猛
將也善用兵今諸將皆陛下故等夷乃令太子將此屬
無異使羊將狼莫肯爲用且使布聞之則鼓行而西耳
上雖病彊載輜車卧而護之諸將不敢不盡力上雖苦
爲妻子自彊於是呂澤立夜見呂后呂后承間爲上泣
涕而言如四人意上曰吾惟豎子固不足遣而公自行
耳於是上自將兵而東群臣居守皆送至灞上留侯病
自彊起至曲郵見上曰臣宜從病甚楚人剽疾願上無
與楚人爭鋒因說上曰令太子爲將軍監關中兵上曰

子房雖病彊卧而傳太子是時叔孫通為太傅留侯行

少傅事

以太子監兵關中樹國本也我朝成祖北征胡亦以太子監國即敝此

漢十二年

上從擊破布軍歸疾益甚愈欲易太子留侯諫不聽因疾不視事叔孫太傅稱說引古今以死爭太子上詳許之猶欲易之及燕置酒太子侍四人從太子年皆八十有餘鬚眉皓白衣冠甚偉上怪之問曰彼何為者四人前對各言名姓曰東園公角里先生綺里季夏黃公上乃大驚曰吾求公數歲公辟逃我今公何自從吾兒游乎四人皆曰陛下輕士善罵臣等義不受辱故恐而亡匿竊聞太子為人仁孝恭敬愛士天下莫不延頸欲為

呂名真而主百
悲初之至亮皇
膏時口角

此句遺他平
所入

太子死者故臣等來耳上曰煩公幸卒調護太子四人
為壽已畢趨去上目送之召戚夫人指示四人者曰我
欲易之彼四人輔之羽翼已成難動矣呂后真而主矣
戚夫人泣上曰為我楚舞吾為若楚歌歌曰鴻鵠高飛
一舉千里羽翮已就橫絕四海橫絕四海雖有猶尚
安所施歌數闕戚夫人噓唏流涕上起去罷酒竟不易
太子者留侯本招此四人之力也留侯從上擊代出奇
計馬邑下所與上從容言天下事甚衆非天下所以存
亡故不著可見史所載者少留侯乃稱曰家世相韓及
韓賊不愛萬金之資為韓報讐彊秦天下振動今以三

寸舌爲帝者。師封萬戶。位列侯。此布衣之極。於良足矣。
願棄人間事。欲從赤松子游耳。托而逃也。非故從此。乃學辟穀道。
引輕身。會高帝崩。呂后德留侯。乃彊食之。曰。人生一世。
間如白駒過隙。何至自苦如此乎。留侯不得已。彊聽而。
食。後八年卒。謚爲文成侯。子不疑代侯。子房始所見下。
邳圯上老父。與太公書者。後十三年。從高帝過濟北。果。
見穀城山下黃石。取而葆祠之。沒此一段。則篇首圯下。老人一段。多成鬼話。沒。
合撒留侯死。并葬黃石冢。每上冢。伏臘祠黃石。留侯不。
疑。孝文帝五年。坐不敬國除。

太史公曰。學者多言無鬼神。然言有物。至如留侯所見。

老父予書亦可怪矣

圯上老人出太公兵書一節或子房既知兵欲自神以聳當世者予

半信半不信

高祖離困者數矣

而

而留侯常有功力焉豈可謂

非天乎

上曰

夫運籌策帷帳之中決勝千里外吾不知

子房

余以爲其人計魁梧竒偉至見其圖狀貌如婦人

好女蓋孔子曰以貌取人失之子孫留侯亦云

澹宕之言

留侯世家畢

史記抄卷之三十

陳丞相世家

陳丞相李固本陰符中所得甚精故能以致功名太史公通篇以奇計兩字作案

陳丞相平者陽武戶牖鄉人也少時家貧好讀書有田

三十畝獨與兄伯居伯常耕田縱平使游學平為人長

美色人或謂陳平曰貧何食而肥若是其嫂嫉平之不

視家生產曰亦食糠覈耳有叔如此不如無有伯聞之

逐其婦而棄之及平長可娶妻富人莫肯與者貧者平

亦耻之久之戶牖富人有張負張負女孫五嫁而夫輒

死人莫敢娶平欲得之邑中有喪平貧侍喪以先往後

罷為助張負既見之喪所獨視偉平亦以故後去負

高云張負以孫女
與陳平與呂公以
以女與祖有後
相當云

隨平至其家。家乃負郭窮巷，以弊席為門。然門外多有
長者車轍。張負歸，謂其子仲曰：「吾欲以女孫予陳平，張
仲曰：『平貧，不事。』」一縣中盡笑其所為。獨奈何予女乎？
負曰：「人固有好美如陳平而長貧賤者乎？卒與女為平。」
貧乃假貸幣以聘，予酒肉之資。以內婦，負誠其孫曰：「母
以貧，故事人不謹。事兄伯如事父，事嫂如母。」平既娶張
氏女，齋用益饒，游道日廣。里中社，平為宰，分肉食甚均。
父老曰：「善。陳孺子之為宰。」平曰：「嗟乎！使平得宰天下，亦
如是肉矣。」宰社皆便有相天下根器陳涉起而王，陳使周市略定魏
地，立魏咎為魏王，與秦軍相攻於臨濟。陳平固已前謝

其兄伯從少年。徃事魏王。咎於臨濟。魏王以爲太僕。說
魏王不聽人。或讒之。陳平亡去。久之。項羽略地至河上。
陳平徃歸之。從入破秦。賜平爵卿。項羽之東王彭城也。
漢王還定三秦而東。殷王反楚。項羽乃以平爲信武君。
將魏王咎客在楚者。以徃擊降殷王而還。項羽使項悍拜
平爲都尉。賜金二十鎰。居無何。漢王攻下殷王。項王怒。
將誅定殷者將吏。陳平懼誅。乃封其金與印。使爲后裸而歸項
王。而平身間行。杖劍亡渡河。船人見其美丈夫獨行。疑
其亡將。要中當有金玉寶器。目之欲殺平。平恐。乃解衣
裸而佐刺船。船人知其無有。乃止。平遂至脩武。降漢。因

高云因魏無知不見有政之功名之意不負子房之在治世心而過焉祖也

魏無知求見漢王。漢王召入。是時萬石君奮為漢王中涓。受平謁入見平。平等七人俱進。賜食。王曰：罷就舍矣。平曰：臣為事來。所言不可以過今日。於是漢王與語而說之。問曰：子之居楚何官？曰：為都尉。是日乃拜平為都尉。使為參乘。典護軍。諸將盡謹曰：大王一日得楚之亡卒。未知其高下。而即與同載。反使監護軍長者。漢王聞之。愈益幸平。遂與東伐項王。至彭城。為楚所敗。引而還。收散兵至滎陽。以平為亞將。屬於韓王信。軍廣武。絳侯灌嬰等咸讒陳平曰：平雖美丈夫。如冠玉耳。其中未必有也。惟同評諸呂安社稷。臣聞平居家時盜其嫂事。

孝已高宗之子有孝行

劉辰云曰此後古今
人不敢道

魏不容亡歸楚歸楚不中又亡歸漢今日大王尊官之
令護軍臣聞平受諸將金金多者得善處金少者得惡
處平反覆亂臣也願王察之漢王疑之召讓魏無知無
知曰臣所言者能也陛下所問者行也今有尾生孝已
之行而無益於勝負之數陛下何暇用之乎楚漢相距
臣進奇謀之士顧其計成足以利國家不耳且盜嫂受
金又何足疑乎漢王召讓平曰先生事魏不中遂事楚
而去今又從吾游信者固多心乎平曰臣事魏王魏王
不能用臣說故去事項王項王不能信人其所任愛非
諸項即妻之昆弟雖有奇士不能用平乃去楚聞漢王

高云聞陳言信
任及蓋堅方祖之人
善使乃尔欲不與
漢以守

之能用人。故歸大王。臣裸身來。不受金。無以為資。誠臣
計。畫有可采者。顧大王用之。使無可用者。金具在。請封
輸官。得請骸骨。漢王乃謝厚賜。拜為護軍中尉。盡護諸
將。諸將乃不敢復言。其後楚急攻絕漢甬道。圍漢王於
滎陽城。久之。漢王患之。請割滎陽以西。以和項王。不聽。
漢王謂陳平曰。天下紛紛。何時定乎。陳平曰。項王為人。
恭敬愛人。士之廉節好禮者。多歸之。至於行功爵邑。重
之士。亦以此不附。今大王慢而少禮。士廉節者。不來。然
大王能饒人以爵邑。士之頑鈍嗜利無耻者。亦多歸漢。
誠各去其兩短。襲其兩長。天下指麾則定矣。然大王資

侮人。不能得廉節之士。顧楚有可亂者。彼項王骨鯁之臣。亞父鍾離昧。龍且。周殷之屬。不過數人耳。大王誠能出捐數萬斤金。行反間。間其君臣。以疑其心。項王爲人意思信。讒必內相誅。漢因舉兵而攻之。破楚必矣。漢王以爲然。乃出黃金四萬斤。與陳平。恣所爲。不問其出入。陳平旣多以金縱反。間於楚軍。宣言諸將鍾離昧等爲項王將功多矣。然而終不得裂地。而王欲與漢爲一。以滅項氏。而分王其地。項羽果意不信鍾離昧等。項王旣疑之。使使至漢。漢王以爲太牢具。舉進。見楚使。即詳驚曰。吾以爲亞父使。乃項王使。復持去。更以惡草具進楚。

劉辰翁曰此七字
實心要重

使楚使歸具以報項王。項王果大疑亞父。亞父欲急攻
下滎陽城。項王不信。不肯聽。亞父聞項王疑之。乃怒曰。
天下事大定矣。君王自爲之。中計願請骸骨歸。歸未至彭城。
疽發背而死。陳平乃夜出女子二千人。滎陽城東門。楚
因擊之。陳平乃與漢王從城西門夜出去。遂入關收散
兵。復東。其明年淮陰侯破齊。自立爲齊王。使使言之漢
王。漢王大怒而罵陳平。躡漢王。漢王亦悟。奇計乃厚遇齊侯。
使張子房卒立信爲齊王。封平以戶牖鄉。用其奇計策。
卒滅楚。常以護軍中尉從定燕王。滅荼。結漢六年。人有上書
告楚王韓信反。高帝問諸將。諸將曰。亟發兵坑豎子耳。

高云詭計以於敵
國豈而以施於君臣
下陰使天下爭乃祖
祚以相欺禍斯有
乎曲逆不基乎失
已云云

高帝默然問陳平平固辭謝曰諸將云何上具告之陳
平曰人之上書言信反有知之者乎曰未有曰信知之
乎曰不知陳平曰陛下精兵孰與楚上曰不能過平曰
陛下將用兵有能過韓信者乎上曰莫及也平曰今兵
不如楚精而將不能及而舉兵攻之是趣之戰也竊為
陛下危之上曰為之柰何平曰古者天子巡狩會諸侯
委曲盡陳平所以疑淮高祖之旨絕入雲林多一疑策
南方有雲夢陛下第出偽游雲夢會諸侯於陳陳楚之
西界信聞天子以好出游其勢必無事而郊迎謁謁而
陛下因禽之此特一力士之事耳高帝以為然乃發使
告諸侯會陳吾將南游雲夢上因隨以行行未至陳楚

王信果郊迎道中。高帝豫具武士。見信至。即執縛之。載
後車。信呼曰。天下已定。我固當烹。高帝顧謂信曰。若母
聲而反。明矣。武士反接之。遂會諸侯于陳。盡定楚地。還
至雒陽。赦信以爲淮陰侯。而與功臣剖符定封。於是與
平剖符。世世勿絕。爲戶牖侯。平辭曰。此非臣之功也。上
曰。吾用先生謀計。戰勝剋敵。非功而何。平曰。非魏無知
臣安得進。上曰。若子可謂不背本矣。乃復賞魏無知其
明年。以護軍中尉從攻反者韓王信於代。卒至平城。爲
匈奴所圍。七日不得食。高帝用陳平奇計。奇計使單于閼氏
圍以得開。高帝旣出其計。此策從張儀說鄭袖得來秘世莫得聞。高帝南過曲逆。

上其城望見其屋室甚大曰壯哉縣吾行天下獨見洛陽與是耳顧問御史曰曲逆戶口幾何對曰始秦時三萬餘戶間者兵數起多亡匿今見五千戶於是乃詔御史更以陳平爲曲逆侯盡食之除前所食戶牖其後常以護軍中尉從攻陳豨及黥布凡六出奇計輒益邑凡六益封奇計或頗祕世莫能聞也太史摠揭平六出奇計此其彰彰著明之大者以予觀之平足智多謀無往非計也高帝從破布軍還病創徐行至長安燕王盧綰反上使樊噲以相國將兵攻之旣行人有短惡噲者高帝怒曰噲見吾病乃冀我死也用陳平謀而召絳侯周勃受詔牀下曰陳平亟馳傳載勃代噲將平

就成也。言下議已若河
其成計也。

至軍中。即斬噲頭。二人既受詔。馳傳。未至軍。行計之曰。
樊噲。帝之故人也。功多。且又乃呂后弟呂類之夫。有親。且
貴。帝以忿怒。故欲斬之。則恐後悔。寧囚而致上。上自誅
之。未至軍。為壇。以節召樊噲。噲受詔。即反。接載檻車。傳
詣長安。而令絳侯勃代將。將兵定燕反。縣平行。聞高帝
崩。平恐。呂太后及呂嬃讒怒。乃馳傳先去。逢使者詔平
與灌嬰屯於滎陽。平受詔立復馳至宮。哭甚哀。因奏事。
喪前。呂太后哀之曰。君勞出休矣。平畏讒之。就因固請。
得宿衛中。太后乃以為郎中令。日傳教孝惠。是後呂嬃
讒乃不得行。樊噲至。則赦復爵邑。孝惠帝六年。相國曹

應前

又奇計自完

又奇計自完

又奇計自完

劉君弟曰因王陵相
乃附陵又附富食
其乃傳辭者此漢
書所之徒使首
尾不全耳

參卒以安國侯王陵爲右丞相陳平爲左丞相王陵者
故沛人始爲縣豪高祖微時兄事陵陵少文任氣好直
言及高祖起沛入至咸陽陵亦自聚黨數千人居南陽
不肯從沛公及漢王之還攻項籍陵乃以兵屬漢項羽
取陵母置軍中陵使至則東鄉坐陵母欲以招陵陵母
旣私送使者泣曰爲老妾語陵謹事漢王漢王長者也
無以老妾故持二心妾以死送使者遂伏劍而死項王
怒烹陵母陵卒從漢王定天下以善雍齒雍齒高帝之
仇而陵本無意從高帝以故晚封爲安國侯安國侯旣
爲右丞相二歲孝惠帝崩高后欲立諸呂爲王問王陵

王陵曰不可問陳平曰可呂太后怒乃詳遷陵為帝太
傳實不用陵陵怒謝疾免杜門竟不朝請七年而卒陵

之免丞相

呂太后乃徙平為右丞相以辟陽侯審食其

陳平所以能免呂須之免者必內結審食其以為入于左按之故也

為左丞相左丞相不治常給事於中食其亦沛人漢王

之敗彭城西楚取太上皇呂后為質食其以舍人侍呂

后其後從破項籍為侯幸於呂太后及為相居中百官

皆因決事呂頴常以前陳平為高帝謀執樊噲數讒曰

陳平為相非治事日飲醇酒戲婦女陳平聞日益甚呂

太后聞之私獨喜面質呂頴於陳平曰鄙語曰商計之功兒婦人

口不可用顧君與我何如耳無畏呂頴之讒也呂太后

立諸呂為王。陳平偽聽之。及呂太后崩，偽所者又奇計處平與太尉勃合

謀卒誅諸呂。立孝文皇帝。陳平本謀也。今謀亦計之奇處審食其免。孝

文帝立，以為太尉。勃親以兵誅呂氏。功多。陳平欲讓勃

尊位，乃病謝。孝文帝初立，怪平病，問之。平曰：「高祖時，勃

功不如臣平，讓勃亦計之奇處及誅諸呂，臣功亦不如勃。願以右丞相讓

勃。於是孝文帝乃以絳侯勃為右丞相，位次第一。平徙

為左丞相，位次第二。賜平金千斤，益封三千戶。君頃之。

孝文皇帝既益明習國家事，朝而問右丞相勃曰：「天下

一歲決獄幾何？」勃謝曰：「不知。」問天下錢穀出入幾何？勃

又謝不知。汗出沾背，愧不能對。於是上亦問左丞相平。

陳平讓絳侯相右固黃老之遺也

主戰也。臣服也。言其戰主服。
臣心之辭。

高云平為相不報他
事只報對鈔報一
事便見平之諒也
神不問相敢也

平曰有主者上曰主者謂誰平曰陛下即問決獄責廷尉問錢穀責治粟內史上曰苟各有主者而君所主何事也平謝曰主臣陛下不知其驚下使待罪宰相宰相者上佐天子理陰陽順四時下育萬物之宜外鎮撫四夷諸侯內親附百姓使卿大夫各得任其職焉孝文帝乃稱善右丞相大慙出而讓陳平曰君獨不素教我對陳平笑曰君居其位不知其任邪且陛下即問長安中盜賊數君欲彊對邪於是絳侯自知其能不如平遠矣君頃之絳侯謝病請免相陳平專為一丞相孝文帝二年丞相陳平卒謚為獻侯子共侯買代侯二年卒子簡

學黃老李何又

犯禁禁

高云以平語作法

太史公蓋以陰謀

二字出於曲逆

候恢代候二十三年卒子何代候三十三年何坐略人
妻棄市國除始陳平曰我多陰謀一篇結案是道家之所禁吾世
即廢而已矣終不能復起以吾多陰禍也然其後魯孫
陳掌以衛氏親貴戚願得續封陳氏然終不得驗
太史公曰陳丞相平少時本好黃帝老子之術方其割
肉俎上之時其意固已遠矣音傾側擾攘楚魏之間卒歸
高帝常出奇計救紛糾之難振國家之患及呂后時事
多故矣然平竟自脫定宗廟以榮名終稱賢相豈不善
始善終哉非知謀孰能當此者乎

史記卷之...

陳丞相世家終

卷之...

史記抄卷之三十一

絳侯周勃世家

太史公叙絳侯戰功古今絕調

叙勃功太史與平陽同中增有却適字為多字訛將字字戲最字

絳侯周勃者沛人也其先卷人徙沛勃以織薄曲為生常為人吹簫給喪事材官引彊高祖之為沛公初起勃以中涓從攻胡陵下方與方與反與戰却適攻豐擊秦軍碭東還軍留及蕭復攻碭破之下下邑先登賜爵五大夫攻蒙虞取之擊章邯車騎殿定魏地攻爰戚東緡以往至栗取之攻齧桑先登擊秦軍阿下破之追至濮陽下甄城攻都關定陶襲取宛胸得單父令夜襲取臨濟攻張以前至卷破之擊李由軍雍丘下攻開封先至

嚴取多皆功之高下
品也

史記卷之二十一

卷之二十一

汪四百八十

城下為多後章邯破殺項梁沛公與項羽引兵東如碭
自初起沛還至碭一歲二月楚懷王封沛公號安武侯
為碭郡長沛公拜勃為虎賁令以令從沛公定魏地攻
東郡尉於城武破之擊王離軍破之攻長社先登攻賴
陽緱氏絕河津擊趙賁軍尸北即尸鄉南攻南陽守齟破武關
峽關破秦軍於藍田至咸陽滅秦項羽至以沛公為漢
王漢王賜勃爵為威武侯從入漢中拜為將軍還定三
秦至秦賜食邑懷德攻槐里好時最擊趙賁內史保於
咸陽最北攻漆擊章平姚卬軍西定泃章平還下郿頻陽圍
章邯廢丘破西丞擊盜巴軍破之攻上邽東守峽關轉

擊項籍攻曲逆。最還守敖倉。追項籍。籍已死。因東定楚地。四川東海郡凡得二十二縣。還守雒陽。櫟陽。賜與潁陰侯共食鍾離。以將軍從高帝擊反者燕王臧荼。破之。易下。所將卒當馳道爲多。賜爵列侯。剖符。世世勿絕。食絳八千一百八十戶。號絳侯。以將軍從高帝擊反韓王信於代。降下霍人。以前至武泉。擊胡騎。破之。武泉北。轉攻韓信軍銅鞮。破之。還降太原六城。擊韓信胡騎。晉陽下。破之。下晉陽。後擊韓信軍於^{音涉}石。破之。追北八十里。還攻樓煩三城。因擊胡騎平城下。所將卒當馳道爲多。勃遷爲太尉。擊陳豨屠馬邑。所將卒斬豨將軍乘馬^{連乘馬名豨}絛。

擊韓信陳豨趙利軍於樓煩破之得豨將宋最鴈門守
因因轉攻得雲中守邀丞相箕肆將勲定鴈門郡十七
縣雲中郡十二縣因復擊豨靈丘破之斬豨得豨丞相
程縱將軍陳武都尉高肆定代郡九縣燕王盧綰反勃
以相國代樊噲將擊下薊得綰大將抵丞相偃守陘太
尉弱御史大夫施屠渾都破綰軍上蘭復擊破綰軍沮
陽追至長城定上谷十二縣右北平十六縣遼西遼東
二十九縣漁陽二十二縣最從高帝得相國一人丞相
二人將軍二千石各三人別破軍二下城三定郡五縣
七十人得丞相大將各一人勃以上詳以戰功以下爲人木彊敦厚高帝以

爲可屬大事。勃不好文學。每召諸生說士。東鄉坐而責之。趣爲我語。其椎少文如此。勃旣定燕而歸。高祖已崩矣。一句承上高帝時之事業以列侯事孝惠帝。孝惠帝六年。置太尉官。以勃爲太尉。十歲。高后崩。呂祿以趙王爲漢上將軍。呂產以呂王爲漢相國。秉漢權。欲危劉氏。勃爲太尉。不得入軍門。陳平爲丞相。不得任事。於是勃與平謀。卒誅諸呂而立孝文皇帝。其語在呂后孝文事中。文帝旣立。以勃爲右丞相。賜金五千斤。食邑萬戶。居月餘。人或說勃曰。君旣誅諸呂。立代王。威震天下。而君受厚賞。處尊位。以寵久之。即禍及身矣。勃懼。亦自危。乃謝請歸相印。上許之。歲餘。

冒絮也冒絮老人所以
覆止頭提擲也

丞相平卒。上復以勃為丞相。十餘月上曰。前日吾詔列
侯就國。或未能行。丞相吾所重。其率先之。乃免相就國。
歲餘。每河東守尉行縣至絳。絳侯勃自畏恐誅。常被甲。
令家人持兵以見之。其後人有上書告勃欲反。下廷尉。
廷尉下其事長安。逮捕勃治之。勃恐。不知置辭。吏稍侵
辱之。勃以千金與獄吏。獄吏乃書牘背示之。曰。以公主
為證。公主者。孝文帝女也。勃太子勝之尚之。故獄吏教
引為證。勃之益封受賜。盡以予薄昭。及繫急。薄昭為言。
薄太后。太后亦以為無反事。文帝朝太后。以冒絮提文。
帝曰。絳侯綰皇帝璽。將兵於北軍。不以此時反。今居一

小縣顧欲反邪文帝既見絳侯獄辭乃謝曰吏事方驗
而出之於是使使持節赦絳侯復爵邑絳侯既出曰吾
嘗將百萬軍然安知獄吏之貴乎庭前絳侯復就國孝文帝
十一年卒謚為武侯子勝之代侯六歲尚公主不相中
坐殺人國除絕一歲文帝乃擇絳侯勃子賢者河內守
亞夫封為條侯續絳侯後條侯亞夫自未侯為河中守
時許負為婦也相之曰君後三歲而侯侯八歲為將相持國秉
許負數言條侯許負數言貴重矣於人臣無兩其後九歲而君餓死亞夫笑曰臣
之兄已代父侯矣有如卒子當代亞夫何說侯乎然既
已貴如負言又何說餓死指示我許負指其口曰有從

理入口。此餓死法也。居三歲。其兄絳侯勝之有罪。孝文

帝擇絳侯子賢者。皆推亞夫。乃封亞夫為條侯。續絳侯

後。文帝之後六年。匈奴大入邊。乃以宗正劉禮為將軍

軍霸上。祝茲侯徐厲為將軍。軍棘門。以河內守亞夫為

將軍。軍細柳。以備胡。上自勞軍。至霸上及棘門軍。直馳

入。將以下騎送迎。已而之細柳軍。軍士吏被甲。銳兵。不

設弓弩。持滿。天子先驅至。不得入。先驅曰。天子且至。軍

門都尉曰。將軍令。曰。軍中聞將軍令。不聞天子詔。居無

何。上至。又不得入。於是上乃使使持節詔將軍。吾欲入

勞軍。亞夫乃傳言開壁門。壁門士吏謂從屬車騎曰。將

高云漢文過心將利
如此是真雄界之
主之徒恭儉仁容
宜也

軍約軍中不得驅馳於是天子乃按轡徐行至營將軍
亞夫持兵揖曰介冑之士不拜請以軍禮見天子為動
改容式車使人稱謝皇帝敬勞將軍成禮而去既出軍
門羣臣皆驚文帝曰嗟乎此真將軍矣曩者霸上棘門
軍若兒戲耳其將固可襲而虜也至於亞夫可得而犯
邪稱善者久之月餘三軍皆罷乃拜亞夫為中尉孝文
且崩時誡太子曰即有緩急周亞夫真可任將兵文帝
崩拜亞夫為車騎將軍孝景帝三年吳楚反亞夫以中
尉為太尉東擊吳楚因自請上曰楚兵剽輕難與爭鋒
願以梁委之絕其糧道乃可制上許之太尉既會兵榮

伏后破吳是案

太史公叙戰以善將重仁入手

劉辰翁曰以毋委
之飽其糧道自是
兩軍妙在毋與此
為梁亡之計大
怨也

陽吳方攻梁梁急請救太尉引兵東北走昌邑深壁而
守梁日使使請太尉太尉守便宜不肯往梁上書言景
帝景帝使使詔救梁太尉不奉詔堅壁不出而使輕騎
兵弓高侯等絕吳楚兵後食道吳兵乏糧飢數欲挑戰
終不出夜軍中驚內相攻擊擾亂至於太尉帳下太尉
終卧不起頃之復定後吳奔壁東南隅太尉使備西北
已而其精兵果奔西北不得入吳兵既餓乃引而去太
尉出精兵追擊大破之吳王濞奔其軍而與壯士數千
人亡走保於江南丹徒漢兵因乘勝遂盡虜之降其兵
購吳王千金月餘越人斬吳王頭以告凡相攻守三月

南皮太后帝長君之子諡
秘章武太后母弟廣國

而吳楚破平於是諸將乃以太尉計謀爲是由此梁孝
王與太尉有卻歸復置太尉官五歲遷爲丞相景帝甚
重之景帝廢栗太子丞相固爭之不得景帝由此疏之
而梁孝王每朝常與太后言條侯之短竇太后曰皇后
兄王信可侯也景帝讓曰始南皮章武侯先帝不侯及
臣即位乃侯之信未得封也竇太后曰人主各以時行
耳自竇長君在時竟不得侯死後乃封其子彭祖顧得
侯吾甚恨之帝趣侯信也景帝曰請得與丞相議之丞
相議之亞夫曰高皇帝約非劉氏不得王非有功不得
侯不如約天下共擊之今信雖皇后兄無功侯之非約

非故不足君之食具
也何失之

也。景帝默然而止。其後匈奴王徐盧等五人降。景帝欲
侯之以勸後。丞相亞夫曰：「彼背其主，降陛下，陛下侯之，
則何以責人臣不守節者乎？」景帝曰：「丞相議不可用，乃
悉封徐盧等爲列侯。」亞夫景帝悉封徐盧因謝病。景帝卽三年以病免
相。頃之，景帝居禁中，召條侯賜食，獨置大胾，無切肉。又
不置櫓，條侯心不平。顧謂主席者尚席取櫓。景帝視而笑曰：「此
非不足君所乎？」條侯免冠謝上，起。條侯因趨出。景帝以
目送之，曰：「此怏怏者，非少主臣也。」居無何，條侯子爲父
買工官尚方甲楯五百被，可以葬者，取庸苦之，不予錢。
庸知其盜買縣官器，怒而上變告子。事連汙條侯，書旣

簿前為問其辭情一書
之字簿也
不意言不用改付欲殺之也

聞上上下下吏吏簿責條侯。條侯不對。景帝罵之曰：「吾不用也。」召詣廷尉。廷尉責曰：「君侯欲反邪？」亞夫曰：「臣所買器乃葬器也。何謂反邪？」吏曰：「君侯縱不反地上，即欲反地下耳。」太史撰獄吏處多悲酸橫絕古今由半附李陵幽囚之後故吏侵之益急。初，吏捕條侯，條侯欲自殺，夫人止之。以故不得死，遂入廷尉。因不食五日，嘔血而死。國除，絕一歲。景帝乃更封絳侯勃他子堅為平曲侯，續絳侯後。十九年卒，謚為共侯。子建德代侯。十三年為太子太傅，坐酎金不善。元鼎五年有罪，國除。條侯果餓死死後，景帝乃封王信為蓋侯。覽末一句結案可見景帝之殺條侯只為條侯沮王信之封而景帝之始侯王信田梁王與太后以計中條侯而後行太史公曰：絳侯周勃始為布衣時，鄙朴人也，才能不過

凡庸及從高祖定天下在將相位諸呂欲作亂勃匡國
家難復之乎正雖伊尹周公何以加哉亞夫之用兵持
威重執堅乃穰苴曷有加焉足已而不學守節不遜終
以窮困悲夫

絳侯周勃世家終







